

Axudas individuais a persoas con discapacidade para servizos de promoción da autonomía e complementarios de asistencia persoal

Normativa

Orde do 8 de marzo de 2016 pola que se establecen as bases reguladoras que rexerán a concesión de axudas individuais destinadas á adquisición de servizos de promoción da autonomía persoal, así como á adquisición de servizos complementarios de asistencia persoal, a persoas con discapacidade. (DOG nº 53 do 17/03/2016)

Obxecto

Convocar axudas individuais, de carácter non periódico, destinadas á adquisición de servizos de promoción da autonomía persoal, así como á adquisición de servizos complementarios de asistencia persoal, para persoas con discapacidade empadroadas nun municipio da Comunidade Autónoma de Galicia, coa finalidade colaborar neste tipo de gastos, con efectos do 1 de xaneiro de 2016.

Serán financiáveis só as actuacións que se realicen entre o 1 de xaneiro e o 30 de novembro de 2016.

Requisitos das persoas beneficiarias

- a. Persoas que teñan recoñecido un grao de discapacidade igual ou superior ao 33 %, así como pensionistas da Seguridade Social que teñan recoñecida unha pensión de incapacidade permanente no grao de total, absoluta ou grande invalidez, e os pensionistas de clases pasivas que teñan recoñecida unha pensión de xubilación ou de retiro por incapacidade permanente para o servizo ou inutilidade. Poderán solicitar estas axudas as persoas que solicitasen o recoñecemento do grao de discapacidade con anterioridade á data de publicación desta convocatoria. A percepción da axuda quedará condicionada a que lles sexa recoñecido un grao de discapacidade igual ou superior ao 33 %, dentro do prazo máximo establecido para a resolución.
- b. A persoas solicitantes de servizos complementarios de asistencia persoal, ademais de cumprir co requisito do punto anterior, deberán ter recoñecida a prestación de asistencia persoal a través do SAAD.
- c. Para os efectos de recoñecer a necesidade da axuda individual solicitada en relación coa adquisición de servizos de promoción da autonomía persoal, e de acordo co servizo de promoción a que se vincula, será requisito necesario que sexa determinada a súa **idoneidade** de acordo coa situación de saúde e social da persoa solicitante. A idoneidade valorarase de acordo coas dificultades ou carencias importantes na atención das necesidades da persoa solicitante ou na súa integración social, entendendo o concepto de necesidades nun sentido amplo: de subsistencia, de saúde, de carácter social, de desenvolvemento persoal, de autonomía, etc., cun certo grao de intensidade. Emitirase un **informe de oficio pola unidade de coordinación da dependencia** da Subdirección Xeral da Dependencia e Valoración da Discapacidade, onde se valore este aspecto, con base na documentación existente no expediente de recoñecemento do grao de discapacidade da persoa solicitante e que, se é o caso, poderá solicitar aqueles informes complementarios ou documentos que se consideren necesarios para tal fin.

Ademais, as persoas solicitantes deberán cumprir os seguintes requisitos:

- a. Residir na Comunidade Autónoma de Galicia.
- b. Que a necesidade da axuda solicitada derive da tipoloxía de discapacidade recoñecida.

- c. Que as consecuencias derivadas da tipoloxía de discapacidade recoñecida que sirvan de base para valorar a idoneidade da subvención concedida manteñan a súa vixencia no período de referencia concretado no proxecto de intervención obxecto de subvención.
- d. Que a capacidade económica da persoa solicitante, calculada conforme o previsto no artigo 13, non supere o 400 % do IPREM para o ano 2016.
- e. Non percibir durante o ano 2016 outras axudas para o mesmo fin salvo que a axuda individual solicitada sexa complementaria da anteriormente concedida e, neste caso, ata o límite do 100 % do gasto subvencionado.
- f. Os establecidos con carácter xeral para obter a condición de persoa beneficiaria de subvencións no artigo 10 da Lei 9/2007, do 13 de xuño, de subvencións de Galicia.

Actuacións subvencionables

Adquisición de servizos de promoción da autonomía persoal:

- a. Teñen por finalidade desenvolver e manter a capacidade persoal de controlar, afrontar e tomar decisións acerca de como vivir de acordo coas normas e preferencias propias e facilitar a execución das actividades básicas da vida diaria, de maneira que todas as persoas poidan levar unha vida o máis autónoma posible. Son subvencionables os enumerados no [anexo I](#).
- b. Para poder ser subvencionable o servizo de promoción da autonomía persoal de transporte adaptado ou asistido, deberá de xustificarse a vinculación deste servizo para o goce doutro servizo/prestación social, ou como medio de asistencia ao traballo ou a unha actividade formativa non obrigatoria do sistema público educativo cando non se enmarque dentro do ámbito das competencias propias do sistema educativo.

Adquisición de servizos complementarios de asistencial persoal:

- Asistencia nas necesidades de carácter doméstico e da vivenda.
- Asistencia nas actividades básicas da vida diaria.
- Asistencia en xestións administrativas ou doutra natureza fóra do domicilio.
- Asistencia en actividades de participación social, educativa, laboral ou de lecer.

Importe das subvencións

1. Subvencións para a adquisición de servizos de promoción da autonomía persoal: [ver táboa](#).
2. Subvencións para a adquisición de servizos complementarios de asistencia persoal: 11,94 €/hora, ata un máximo subvencionable de 2.005,90 €.

Lugar de presentación

- Preferiblemente por vía electrónica a través da sede electrónica da Xunta de Galicia.
- Consellería de Política Social
- Nos servizos sociais comunitarios do Concello.
- En calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

Prazo de presentación

Dous meses contados desde o día seguinte ao da publicación no DOG. Ata o 18 de maio de 2016 (por ser o día 17 inhábil).

Mais información nos Servizos sociais do Concello. (2ª Planta)